



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 25. Africani tribus Capitulis favent.

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

Sæculum VI. bus Rex, vetuitque, ne quis Gothorum
A. C. 546. victis vitam eriperet, aut foeminarum
 corporibus vim inferret. At res diri-
 piendi licentiam fecit. Itaque Senato-
 res, & Civium opulentissimi ad incitas
 redacti. Ex eorum miserorum numero
 fuit Rusticiana Boetii vidua & Symma-
 chi filia, semper antea in egenos muni-
 ficentissima. Mœnia Civitatis destructa,
 & aliquot ædes dejectæ. Quadraginta
 diebus vacuus ab hominibus locus fuit,
 sola bruta ibi relicta. Urbe expilata
 recessit Totila, & Belisarius qui inter hæc
Protap. c. 24. in Italiam redierat, Romam deinde ve-
 nit, & muros restaurare cœpit.

§. XXV.

Africani Tribus Capitulis favent.

Delagius, & alter Ecclesiæ Romanæ Dia-
 conus, cui nomen Anatolius, ubi tria
 Capitula damnata fuisse fama percepe-
 runt, Ecclesiæ curam gerentes, ut absen-
 te Pontifice debebant, ad Ferrandum
Fac. IV. c. 3. Diaconum Carthaginensem litteras de-
 derunt, hortati, ut hac super re cum E-
 piscopo suo, aliisque, quos viros zelosos
 & doctos novisset, deliberaret, & com-
 mune consilium exquireret. In illa E-
 pistola non dissimulabant, hæc Anathe-
 mata suggerentibus Acephalis, Concilio
 Calcedonensi & S. Leonis Epistolæ infe-
 stis, fuisse conflata. Ferrandus non nisi
 post

post longum tempus respondit, prius ta-
men quam Ecclesiæ Africæ, quid senti-
rent, enunciaissent. In hoc ergo Respon-
so, quod habemus, dicit; non posse Epi-
stolam Iba in Concilio Calcedonensi ap-
probatam examini denuo subijci, nisi re-
vocando in dubium omnia cetera Con-
cilii Decreta. In fine adjicit tres pro-
positiones, quibus constanter inhæren-
dum affirmat; nullam illarum rerum,
quæ in Concilio definitæ fuerunt, dis-
cussionem esse admittendam. In mor-
tuos Actionem moveri non posse. Et
neminem jure posse exigere, ut quidquid
ipsi e calamo fluxerit, alter subscribendo
approbet.

Justiniano Imperatori, cum Edictum
suum de damnatione trium Capitulorum
in Africam misisset, Episcoporum aliquis,
cui nomen Pontianus, rescripsit, laudans
zelum ejus, & Fidei Confessionem appro-
bens. Tum subjungit: *In fine Epistolæ
tuæ vidimus, quod non parum nos affligit;
scilicet, exigi a nobis, ut Theodorum,
Theodoretum libros, & Epistolam Iba da-
mnemus. Horum Virorum libri ad nos
usque non pervenerunt, si aliquando per-
venerint, & si quidquam in iis Fidei ad-
versum legerimus, attendemus ad id, quod
nobis faciendum videbitur. At Scripto-
res, qui ex hac vita abierunt, damnare
non possumus. Si adhuc viverent, &
moniti*

Sæculum VI.
A. C. 546.

in oper. Ferr.
ed. 1649.
p. 250.

to. 5. Conc.
p. 324.

Sæculum VI. *moniti errores corrigere nollent, æquissimum foret, ipsos condemnare. Nunc vero contra quem Sententiam pronunciabimus? sed timeo, Auguste! ne sub specie istos damnandi aliud lateat, & sint, qui Eutychis Hæresin ab inferis excitare velint. Supplices rogamus te, ut Imperii tui tempore Pacem conserves, ne forte, dum mortuos damnare vis, multos viventes vita prives mandatis tuis refractarios, ideoque aliquando illi rationem reddere cogaris, qui venturus est judicare vivos & mortuos.*

§. XXVI.

Vigilius Papa Constantinopoli.

*Fac. IV. c. 3.
Et ad Moc.
p. 573.*

Vigilio Papæ adhucdum in itinere constituto redditæ sunt Imperatoris literæ, quibus eum hortabatur, ut cum Menna aliisque Episcopis Pacem conservaret. Hinc Papa ad Mennam dedit Epistolam, qua significabat, lubentissime se pacem servaturum, sed veram, & Ecclesiæ utilem; verum se nullatenus ignorare, quæ Constantinopoli acta essent. Deinde excitabat Mennam, ut errorem emendaret. Tandem Papa octavo Cal. Febr. Indictione decima anno post Consulatum Basilii sexto, id est, 25. Jan. anno 547. Constantinopolim pervenit. Ab Imperatore Justiniano honorifice exceptus, tamen ad menses quatuor Mennam

Marcel. Chr.

*Theoph. an.
20.*